





THE LIBRARY  
OF  
THE UNIVERSITY  
OF CALIFORNIA

GIFT OF  
HORACE W. CARPENTIER









詩  
祭文  
序  
附錄

壺峯集  
單





5563.7

4094

Carpentier



查峰先生文集序



朱善謫 國朝金饒

穆清之末賊西仁弘為

林名猷被旌於

事以之治直



新氣士類聚卷之四

一人觀其月貌而約其

銘餘可疎院默納李忠

先生獨卷其毛種福如

援一執峻斥棘以邪鄰



冰玉膏言備躬失色遂  
為空山所搖奔友砥柱  
時破弘津肆凶竊凶磨  
國母度死大君私乞  
傷滅人紀煨焚已平臨



元而公之故也

臨之末末不操卷

與能為正人君子

之以破見城而正

不強見旅以時及



禁所可勝惜哉多使公

之早見擇用則所冀之

株梧必不蒙彼徒之誣

誣必不辱衆之於輕公

動定之之乎措字而審

賞徹人乙病不隱金潛  
肉堅通市玄上終結極  
皇妖氣乙日重調極  
者通里通咏細意氣  
這公乙下之極意不憚



權樂亦許既職之矣  
然公訪王而子生  
章孤海東已出  
乃乃之地  
時清明遠  
枉承仲紀



廣刻符位細心色此

皇志為家食多金款

絕紫氣結祥光切露

名譽唱咏平伯石之上

梅菊裝替路德名



豐樂得華，可猶採集  
甘芳，采肉備然，其銘但  
之束，此固安，其力而滿，亂  
出，在之於口，有金，即  
於，其即，其可，能，其，其



駁之曰此不當伊尹與  
商宋若公煙肉邦元  
年以邪宗山如石片  
若百為邪誰泥取肉  
于燕以腐美公之靈



其得者之不似竹而肉  
靡之頃猶蘇子時  
多矣不遇耳然公之素  
以爲悅者未可移也  
以公先兄之公以撥水



司馬公之臣子所以已所以  
沛公者何足道乎而  
高才名也亦為之喜矣  
為取兄孫亦全移而  
免其初煥恨未以詳誌

公之孝允畏庵公致行  
中祿斥正奸邪柏方之  
句可於此風以吾之失叔  
之第一再子之志金何  
曉臺昨碑之立千仞臺



吟即公之詩也歎其

你提其風韻以公後

源詩本有山家集細

得過於公系不為公

第其味之系之不重

每因不語以不久為憂  
且晚來不語以不為憂  
此大聖源元極才中意  
其為語此意如十來可  
以誦之於法法之書家



人之志氣自先大矣

獄公焦灼灼以危殆

勢而先又學清言以爲衆

老道玄朴異白河之

對大之字收束環傳之

求旌履迹能勿誇之長  
亦不虞公及斥自默之危  
眩升血山今據之生之氣  
東楚美及新山河少餘之  
亦偏華亦一色之修治



冥深悟地特所出也  
被誦舊以書之如名以  
悔之於茲難改之於地  
佛所之語也哉

素續紀元後五丁丑三月上

醉後學南宮大夫方

承政浣左尉承旨

徑送來贊友嘉大

撰友東陽中泰親

撰



詩

五言古詩一首

五言古詩一首

五言古詩一首

五言古詩一首

壺峯先生文集目錄

卷之一

詩

寄徐上舍精甫

畱別友人

登觀魚臺

與李評事新之濯相別符仁寺

甌灘舟上次溫卿韻贈李從事李徽如瑱宗

契

歲除前一日



十二月二十日大雪

戲人乞詩

自家移處統勝廬因移菊於石塢上物我相  
類故感而賦之

又

元日呈大瓠朴地主

管

次金正字方叔

集韻

遊桐華寺歸路題徐立之

時立

溪亭

河陽各舍次朴宣傳韻

塞下曲

夜坐書懷寄金上舍萬古

孤村對酒賞梅呈退軒金地主

中清

曉聞杜鵑

與李新之同入符仁寺途中作

新之帶李時謙等步往三省余以年老難於

攀躋遂獨作東行書此寄李孟堅

時謙蓋

與新之同入符仁有共訪孟堅之約故專

用子猷事

泗濱畱別睦督運使溫卿

大欽

勸酒辭

次金正字方叔韻



其二

其三

慶山途中值雪

時習齋卽事

畱別友人

寄徐精甫

書琴腹

詠梅

題尹正平

調元草堂

河陽客舍聞鶯次板上韻贈金著作方叔

春思

病中茂伯以詩見問侬此以謝之

次寄金萬灰子靜符

必壽

宗契

九月十四日同茂伯新之李士厚

塙

及茂甫

叔吉誠伯遊鹿峯夜吟一絕

漫成

新安東門外遇慧天禪師

蔡吉仲小有亭酒席以花落家僮不掃鳥啼

山客猶眠爲韻侬十二絕句

孤村雨後



東川夜聞鶯書感

與諸益遊桐華寺途中作

重午懷白沙李相公恒福

竹迷日書感

歲暮用金方叔韻

茂伯以四月旅寓小有亭三閱月未一訪還  
家之後始相見焉因書此以贈之

人日

穀日夜對梅

夢後

漫興寄茂伯

海棠

石潭臺上次茂伯韻

贈李新之

九月登星州城北皋卽事

山原雪白朝旭光鮮令人思想倍佳卻嫌此  
心被物累殊失澄澈有感而詠

在統勝廬吟

冰獵得魚分送衙廚

感時吟



贈別茂伯之大同仁

勸酒

正月十六日夜感懷

二月江行

三月春遊

四月六日對酒

五月書感

六月山齋

七月於葛田別座贈李新之

八月八日詠閒

九月九日登高

十月得甞石

十一月十三日往別業有卽還之計乘醉畱

宿曉吟一絕

十二月二十日喚酒

姊翁家宴席追昔日之艱難喜今日之歡譁

作

戲題贈妓

贈別茂伯之大同任

自金勤甫廷稷家向黑水李時馨家途中作



除夜贈友

新卜劬勞村

又

奉謝李蒼石坡見寄

晚登霞鶯堂

次金東籬

名安

屏山文集後韻

詠雪

在統勝廬詠山水雪裏之勝倍於他地

次李員外澤堂汝固

植

安奇驛板上韻

次李澤堂苦寒之作

又

挽金雲川道源漏

挽申參奉李器

詠春回雪滾

客散

謝贈桃

聽灘鳴

暮興

橋憐再渡時

曉吟



故林歸未得

寒食柳園村

鳳聲忽故園

吟恨滿清罇

十三夜無月

奉謝宗丈松澗翁

庭檜來訪

奉次李蒼石見寄

奉餞舍伯歸鄉

奉贈尹正平

踏青和茂甫韻

又

自縣齋行到甌灘大風翻江且無篙師未得  
放船遂取路岸上沿江而下渡東安津乘  
夜還家是日銓郎朴宗胃還京歷宿君顯  
家云

病中書懷寄進士宗君巨卿擘

李新之赴李孟堅三省菴遊賞之約余於此  
時亦向永州遂與之同行至美代村前將  
分路馬上口呼寄孟堅

小有亭次朴方伯慶新韻



新卜營東野將移居還已遂吟此寓懷

元日老懷

冬至後七日金從兄大澤李從兄心慙李判  
官潤兩李秀才文兩李評事濯李生員時  
榦金秀才棠棠梨李秀才道昌道融道長  
及余十三人將勘禮說于鹿峯余以精舍  
之任當稟勘校之規兼運書籍遂趨泗濱  
途中有此詩

四月二十日遊桐華寺是日昏示諸益

追記前夕之歡仍念後日之虞感而賦之寄

茂伯

劬勞村卽事

諸宗族來會小亭茂甫有詩書癖且有先歸  
之意次韻以贈之

翌日曉醉起復用前韻寄茂甫

六月晦在鹿峯次許若虛回文韻贈茂伯之

京

挽盧牧使弘仲

景任

解命吟

次三龜亭板上韻



次地主朴大瓠次三龜亭韻

又次朴大瓠遊西寺韻

又次朴大瓠次襄陽壁上韻

又次朴大瓠次臨河壁上吾宗秀才瑛韻

又

又

觀漲吟

詠憫旱

詠喜雨

垂釣吟

聞蝗作向天訴憫之吟

次鼓吹部李山甫寓懷韻

辛酉元月望立春聞天朝將士殲賊之報

喜而賦之

江上偶吟

族李汝固山水亭來遊之約

記興

曉上山水亭

寄直清兄弟讀書山寺

遣意



賞月

聞直清兄弟歸期在近喜得看字

清江

連筒灌小園

萬里正含情

初秋晦

仲秋朔

天長鴻鴈哀

藜杖去尋詩

詠春回雪浚

秋蠅

養真衡茅下

怡老堂晚興

人世信少娛

始覺新年上鬢端

卷之二

詩

山水亭歌

寒岡鄭先生挽

挽李顯卿

昌國



卷之五  
挽鄭參奉潤派

遊仙辭

秋興

秋水

病中戲成古風一首寄示茂伯

李杜

卽景

秋夜不寐

南厓秋色

金萬丈冠禮後地主有詩邀余和之遂步韻

以呈

八音歌寄謝茂伯前日見訪之勤且寓此時

正襟相待之意云

贈別許若虛之雒城任

病中書感奉寄梅村兄兼呈李新之

茂伯盆梅用東坡韻

次杜子美百憂集行

揀牟去麥吟

天啓元年春三月初七日自鹿峯還樓

放魚歌寄誠伯兼示諸姪并序



拾穗歎

自警

我不願辭

玉連環體

次金鶴湖韻送洪無住歸入處北縣別業

祭文

祭寒岡鄭先生文

序

遊輞川序

附錄

行狀

墓碣銘

山水亭上楹文

挽詞

山水亭次韻

附諸賢題珠

識

跋



壺峯先生文集目錄終

壺峯先生文集目錄終

壺峯先生文集卷之一

詩

寄徐上舍精甫

長夜耿不寐寒燈愁照人  
回頭語孤影微爾更誰親  
畱別友人

薄酒我如魯高才君長滕  
猶供文字飲清興亦堪乘  
登觀魚臺

十載塵寰夢常嫌落地偏  
平生雄偉氣遙倚海東天  
與李評事新之濯相別符仁寺

君歸三省中我向八公下  
依然傷別心厭聽蕭蕭馬



既難舟上次溫卿韻贈李從事李徽如璜宗契  
舟上有閒地壺中多別天何妨碧江外吹面晚風顛

歲除前一日

庭梅輕歲月臘盡不開花鬢與誰爭白先春卻自華

十二月二十日大雪

是時合境六年被停諸生有徵銀民間納官解免之

議故依此以譏之

一夜新安境家家滿地銀儒停當自解不必斂窮民  
戲人乞詩

寂寞柴門外阿誰剝啄頻不禁衰病裏日有乞詩人  
自家移處統勝廬因移菊於石塢上物我相親

故感而賦之

叢菊在離陰愁渠鬱屈心移栽石塢上共我出幽吟

又

正似清標士愁吟李世間年光更促暮黃髮被衰顏

元日呈地主朴大瓠簞

萬福自叢身人間第一人惟祈君子德更與歲俱新

次金正字方叔集韻

時中海法  
師來見

今夜書窗下看花太喜燈朝來竹扉外忽有侬詩僧

遊桐華寺歸路題徐立之

時立

溪亭

二日遊蕭寺吟成幾首詩歸來有餘興還似在山時



河陽客舍次朴宣傳韻

薊外金城險

奴酋自稱後金可汗

遼陽玉壘滾河南殘酒席看

劍兩人心

塞下曲

百家衣體

漢月恆持滿

寶頻

年不解兵

嘉運

戎衣何日定

寶征

戰

是平生

盧象

夜坐書懷寄金上舍萬古

波肉無紙曉風多半壁寒燈未著花勤苦讀書成底

事且將詩句答年華

孤村對酒賞梅呈地主金退軒

中清

春將晴色嫩梅魂  
吟筆餘香動酒樽  
東閣此時應更好  
夢和殘月過琴軒

曉聞杜鵑

星落天空月已傾  
向人何苦盡情鳴  
西山老樹陰濃處  
不忍年年聽爾聲

與李新之同入符仁寺途中作

羅朝古寺符仁路  
聖代閒遊半畝翁  
竹杖芒鞋綿布襪  
綠陰千樹亂山中

新之帶李時穰等  
步往三省余以年老難於攀  
躋遂獨作東行書此寄孟堅  
蓋與新之同入符



仁有共訪孟堅之約故專用子猷事

乘興而來乘興返昔年曾笑剡溪舟誰知三省菴前路今日翻成一子猷

泗濱畱別睦督運使溫卿

大飲

勸酒辭

樂莫樂兮新相知悲莫悲兮遠別離明朝相憶各千里此日此杯君勿辭

次金正字方叔韻

黃花作意爲誰黃白骨沙場蔓草長王事年年供客淚不知佳節是重陽

其二

愁霜侵鬢髮渾黃尚有蛇矛丈八長惆悵無人憐矍鑠漫勞魂夢踏遼陽

其三

秋風解使人多感縱有新詩遣興難紅日半山鳴落葉不空揩眼重回看

慶山途中值雪

片片黃雲向海飄漫天飛雪挾風驕新詩今在孤山  
書院名道不屬灞陵原上橋

時習齋卽事

獵客呼鷹原上走商僧懷寶市中歸吾儕事業君知



否時習齋中看鳥飛

畱別友人

還家莫恨半旬遲  
講道餘閒好說詩  
明日兩三人各散  
重逢猶是隔年期

寄徐精甫

梅未開花意已香  
夢中疎影最難忘  
何時月落參橫夜  
重對松林淡淡粧

書琴腹

嶧陽誰採老孫枝  
爨下餘殘短夏奇  
莫道世無山水耳  
白頭詞客是鍾期

詠梅

在精南  
家作

春信潛從雪裏回  
暗香先動小村梅  
江西老子看無厭  
莫遣羌兒短笛催

題尹正平

詞元

草堂

詔書何苦太遲遲  
節迫花開驛路時  
孤店閉門人迹斷  
棘籬春雨細絲絲

河陽客舍聞鶯次板上韻贈金著作方叔

竹外池風晚更淒  
荷香散入玉東西  
興酣說與思歸樂  
客已忘歸爾莫啼

春思



簾外雙雙燕子飛斜穿老樹半低枝美人日暮依脩  
竹獨立東風有所思

病中茂伯以詩見問作此以謝之

衰年苦被病常嬰十日空吟偏側行風雨竹扉斜掩  
處一詩珍重故人情

次寄金萬灰子靜符

必壽

宗契

邇來衰病苦相牽千里追遊未有緣一夢去年重九  
月共排幽話小池邊

九月十四日同茂伯新之李士厚

塙

及茂甫叔

吉誠伯遊鹿峯夜吟一絕

霜落高林秋夜清  
西風吹作捲雲聲  
碧天寥闊無纖碍  
萬壑千峯一月明

漫成

看竹看梅秋復春  
歲寒松柏更撩人  
莫言此老身無事  
無事身爲有事身

新安東門外遇慧天禪師

客路相逢一衲衣  
依然驚眼是天師  
欲畱飛錫談清淨  
笑指青松東向枝

蔡吉仲小有亭酒席以花落家僮不掃鳥啼山  
客猶眠爲韻作十二絕句



春來隨處醉爲家，狂興何妨一笑譁。  
改是江村三月暮，亂風吹老小桃花。

花影重重動春酌，舊時惡客今不惡。  
金陵兒女來相謔，笑殺山翁鐵冠落。

細草平分兩岸沙，好隨晴雨綠情多。  
惜春無奈春將盡，花落江村幾許家。

漁村新釀色翁翁，入髓無聲面已紅。  
痛飲不愁江路滑，政應扶醉有雙僮。

主人迎客非俗物，青山片石手自拂。  
綠楊三月酒一杯，我雖不飲不得不。

琴灘渡口多芳草岸上桃花春意老欲搜奇句慰飛  
紅爲報東風且莫掃

高高亭子春江曉隔樹澄潭漁艇小波聲滅滅捲網  
時綠楊驚起雙黃鳥

東風狂興戲分題柳綠桃紅眼欲迷酒盡沙頭雙老  
瓦隔松茅屋午雞啼

春興何妨醉據鞍詩城新築大江灣此身合是風騷  
將曾次先收五郡山

春陰鎖日養花魂影亂杯中紅琥珀新詩滿眼不能  
裁休喚衰翁作詞客



春風不負覓詩眸  
軟綠殘紅卷小洲  
數日畱連看未足  
歸鞍將發更夷猶

四座詩談天下士  
一罇春醉飲中仙  
抱琴明日重來未  
客欲歸時主欲眠

孤村雨後

昨夜山中細雨過  
滿園新綠鳥聲多  
東風不惜黃金色  
吹盡薔薇一樹花

東川夜聞鶯書感

小橋芳草夕陽時  
楊柳含煙綠萬絲  
此地傷心何日了  
杜鵑啼處又黃鸝

與諸益遊桐華寺途中作

正是清和四月時  
雨餘新綠更多姿  
丈夫六十那稱老  
步履登山且不疲

重午懷李相公白沙恆福

眼看民俗取蒲樽  
處處歌呼盡醉昏  
回首楚江天萬里  
一杯誰慰獨醒魂

竹迷日書感

五月十三日稱竹  
迷或云竹醉日

白日催年已竹迷  
此身安得不衰羸  
漸知豪氣銷磨盡  
無復城東舊鬪雞

歲暮用金方叔韻



霜毛鑷盡鬢全疎。又是青陽逼歲除。笑我不知軒冕  
樂。一生惟欲老樵漁。

茂伯以四月旅寓小有亭三閱月未一訪還家  
之後始相見焉因書此以贈之

江渭迢迢隔暮雲。兩鄉三月久離羣。相逢始在還家  
後。羞對吾君道憶君。

人日

冬暖春寒理甚乖。况堪今日更陰霾。天時自古膺人  
事。憂國難堪老子懷。

穀日夜對梅

雪中初動早梅枝  
佩酒何人肯夜過  
仍憶去年今日  
事一罇同醉石翁家

夢後

男子當封定遠侯  
那堪白髮臥林丘  
無端一夜書幽  
夢手把長槍踏建州

漫興寄茂伯

林深幽鳥傍窗鳴  
池淺新荷上砌生  
輪鞅不來誰見  
賞獨扶藜杖繞堦行

海棠

嫣紅如火砌西偏  
數朵垂垂看欲燃  
山下小方塘水



畔祇疑燒卻錦苔錢

石潭臺上次茂伯韻

山勢東廻迫作臺老松陰裏錦苔只今  
聖主求賢急不放潭翁此去來

贈李新之

太白山中度歲華浦田不辦依生涯可憐二十年評  
事遇此明時尚在家

九月登星州城北皋卽事

水落沙平兩岸高爲牽詩興獨登皋四郊雲斂秋光  
晚一鴈斜穿返照號

山原雪白朝旭光鮮令人思想倍佳卻嫌此心  
被物累殊失澄澈有感而詠

雪滿山原霽色鮮晴空初旭映徧全此心恨未同清  
瑩物累縱橫難洗滌

在統勝廬吟

茅簷銀箸短長垂侈事還輕石氏爲渾是化工盈損  
意故成詩句記天時

冰獵得魚分送衙廚

因外江流瀦你池天公好事屬吾私年來最喜魚鰕  
足風味還嫌獨飽知



感時吟

牢落山房淹十日一天風景已殘年  
春生積雪層冰裏梅動方塘曲砌邊

贈別茂伯之大同任

五年關北斷離腸詩酒相從僅六霜  
歡會一生能幾日白頭今復作參商

勸酒

百家衣體

花鳥催詩歲不畱

簡齋

遊絲飛蝶兩悠悠  
勸君更進

一杯酒

王維

昨日少年今白頭

用晦

正月十六日夜感懷

正月十六夜明月簡莫惜床頭沽酒錢蘇人生百年

幾輛履放翁老境增年是減年至能

### 二月江行

二月二日江上行嶧東風吹雨小寒生簡漁人歸後

汀沙晚鄒竹杖芒鞋稱野情無則

### 三月春遊

三月三日天氣新杜綠楊垂線草鋪茵丁謂伊川洛浦

尋芳遍永叔半醉半醒無事人簡夫

### 四月六日對酒

四月清和雨乍晴溫公小荷新竹夕陽明蘇但將酩酊



感時吟

牢落山房淹十日一天風景已殘年  
春生積雪層冰裏梅動方塘曲砌邊

贈別茂伯之大同仁

五年關北斷離腸詩酒相從僅六霜  
歡會一生能幾日白頭今復作參商

勸酒

百泉衣體

花鳥催詩歲不畱

簡齋

遊絲飛蝶兩悠悠  
放翁勸君更進

一杯酒

王維

昨日少年今白頭

晦用

正月十六日夜感懷

正月十六夜明月簡齋莫惜床頭沽酒錢蘇軾人生百年

幾兩履放翁老境增年是減年至能

### 二月江行

二月二日江上行義山東風吹雨小寒生簡齋漁人歸後

汀沙晚鄭谷竹杖芒鞋稱野情無則

### 三月春遊

三月三日天氣新杜甫綠楊垂線草鋪茵丁謂伊川洛浦

尋芳遍宋叔半醉半醒無事人簡夫

### 四月六日對酒

四月清和雨乍晴溫公小荷新竹夕陽明放翁但將酩酊



酬佳節

牧

莫向罇前唱渭城

### 五月書感

五月榴花照眼明

韓愈

坐驚時節又崢嶸

來

開眼且酌

罇中酒

樂天

白髮欺人故故生

### 六月山齋

六月山齋當暑令

前

清涼是藥別無方

橫

松陰轉處

琴書潤

應求

醉臥石樓雲滿床

牧

### 七月於葛田別座贈李新之

七月六日苦炎熱

杜甫

開戶暗蟲猶打窗

義山

笑接郎中

評事飲

杜甫

瓷甕無謝玉爲缶

杜

八月八日詠閒

八月江南風日美

簡齋

荷翻翠蓋水堂虛義山一盃飯罷

無餘事

病眼欲昏猶愛書翁

九月九日登高

九月九日登高處

散髮清光未足非簡齋莫向嶺前

惜沈醉

韋莊

菊花須插滿頭歸牧之

十月得恹石

十月北風催歲闌

簡齋

鴻驚清鏡失朱顏惠洪餘齡有幾

仍多幸

老莊身小玉山

簡齋

十一月十三日往別業有即還之計乘醉畱宿



曉吟一絕

仲冬風日始淒淒子美愛酒山翁醉似泥叔歸計未成  
畱亦好放翁令人憎殺五更雞放翁

十二月二十日喚酒

閒人以飲爲忙事牧之但願長醉不願醒李酒盞酌來  
須滿滿天甘從妻喚作劉伶天

姊翁家宴席追昔日之艱難喜今日之歡讌作

冬十二月歲辛丑東坡艱難顛沛不忘君山谷不知今夕

是何夕杜甫席上榴花皆舞裙山谷

戲題贈妓

青裙玉面初相識蘭花謝畱顏夜漏分 神女生涯

元是夢山夢來何處夏爲雲山

贈別茂伯之大同任

幾年曾北塞今日又西關地接完顏國江通渤海灣  
離亭秋九月征馬路千山嗟爾遠行役回回如玉環

自金勤甫廷稷家向黑水李時馨家途中作

誰道羈遊苦詩情到處多初醒故人酒夏訪外甥家  
僕倦疑擔重驂羸任路賒聞吟仍委轡山日半西斜

除夜贈友

忽忽天時改回回斗轉杓流光那可挽去日莫能招



無價年頻換非讒骨自銷煩君休就睡殘歲只今宵

新卜劬勞村

依巖卜新地小築點鴻龐西接龍興洞東鄰豹隱窪  
土饒宜稼穡村迥絕紛喧道德山爲伴誰言官陋邦

又

移家非離土亦一莒東陞林壑惟新卜賓朋盡素知  
輸租仍舊廩逾嶺卽西枝時復歡親戚相尋任意爲

奉謝李蒼石

埃見寄

世無寒士友誰記此心弘古道惟君是新詩寄我曾  
謂高銀字管清比玉壺冰定識鹽車下從今價倍增

晚登霞鷺堂

落日危欄上秋風霽景鮮  
天高詩眼外江闊酒樽前  
暝色煙郊樹喧聲野渡船  
方輿已沒海此地可延年

次金東籬

允安

屏山文集後韻

東國文明際山河秀氣全  
心從隆古遠業自大賢傳  
碩望安危日高名進退年  
微言恐在逸搜緝喜成編

詠雪

乾坤呈戲劇奇態一時同  
樹樹銀花綴村村玉屑融  
瑤臺非築築茅屋失堯宮  
斗覺浮華事難容浪話中  
在統勝廬詠山水雪裏之勝倍於他地



夜雲奔未覺朝雪亂開庵巖飾千層壁河添一帶藍  
桑田銀作海松嶺玉成嵐何地非奇態仙區最足談

次李員外澤堂汝固植安奇驛板上韻

末聯時員外畱

府裁候書表戀忱走矣於兩後至沙川川漲未  
濟而還旋覺員外朝濟於此川未漲之前不得  
相遇故及之

余觀員外詩以郵卒愛公之深歸美於先大  
夫莅驛之仁在公孝思合自云云以余思焉  
員外實賢子弟也其諄諄在幼少已著於人  
人故思之不已見而有喜有若先大夫曾施  
惠者然此豈但賢父兄之及哉遂感而賦之

箕裘元世守堂構是公息博雅登華袞真淳蘊布衣  
郵人愛舊惠邑子誦新辭尺牘還遲報川橋恨巧違

次李澤堂苦寒之作

積雪肥山野乾坤器不寬沒橋窮孟浩無逕閉袁安  
蜀纈寧生暖炎犀亦怕寒何妨鄒衍律爲子按高彈

又

路入羊腸險曾吞夢澤寬愁侵寧攪亂度曠自頤安  
虐雪排春近窮陰釀臘寒知音有北海歸缺莫輕彈

挽金雲川道源

漏

難窮恨彼昊如寄惜浮生淑慝均歸盡亨屯孰使令



清修空炳世文雅謾流聲病負綿茅奠長懷涕在纓  
挽中參奉季器

兄爲再從戚弟視一生親幾求罇中夕相攜盡裏春  
風儀非後輩情事在先民忽報終辭世那禁淚滿巾  
詠春回雪淚

春到還多雪漫空勢太豪山頭殘老樹沙渚沒新蒿  
色壓黃浮岸光添綠漲皋吟邊休好景愁至酌清醪  
客散

逕寂煙霞重亭虛翰墨幽興餘閒處勝人罷片時遊  
散鳥還低樹驚鱗復淺流淚關斜日牖獨自夢丹丘

謝贈桃

拾取蟠桃露均圓一圃秋初從蒼玉借晚向紫霞偷  
懸減風中帶影虧月下丘媿無瓊玖報卻把短詞酬  
聽灘鳴

力疾登亭晚貪聆石瀨聲長搖仙佩亂圓轉瑟絃清  
兩後松微韻風前竹忽驚周公今夜夢還怕不能成  
暮興

暑薄風光軟天清雲意閒灘聲多別界林影小清灣  
待月秋嫌葉貪山暮倚關幽禽得這意佳處亦遲還  
橋憐再渡時



一路無新舊重遊訪碧岑曾疑經兩節方喜引筇臨  
世道隨時變禪橋閱客波翻息三渡日恐爾不如今

曉吟

漸脫輕雲裏清晨氣像奇遠含秋意肅高出霽光危  
露濕芙蓉靜霞蒸繪畫滋更承紅日上蒼影落寒漪  
故林歸未得

長吟歸去好路遠恨如何此地居人寡西州旅食多  
春應無主麗鳳且爲誰歌秋氣時猶壯湘湖祇夢過

寒食柳園村

柳盡三春綠他鄉寒食村客心千里感物色一年蕃

帶輕煙舞條垂裊縷翻悠然堪獨對盡日耐愁吞  
鳳聲忽故園

嫌人長依旅鳴獨似鄉園千里山河路三春風日暄  
同前客裏耳疑舊郊中村有夢應歸去從渠近我軒  
吟恨滿清樽

酒是忘憂物如何恨一罇無端客裏箇欲斷月中魂  
折柳驚新歲落梅憶故園吟生多緒意浮蟻可堪吞  
十三夜無月

織女藏金鏡明星秘玉盆誰開雲裏影不見暮江痕  
嵐嶺當窗遠煙林隔岸昏幾時來夜月幽賞對空樽



奉謝宗丈松澗翁庭檜來訪

多少平生不盡心，慇懃今日最知深。  
雪風西嶺遙相訪，煙月東溟爲共斟。  
笛徹雲中仙鳳舞，琴喧海上老龍吟。  
幾年江渭迢迢別，何幸殘城呂駕尋。

奉次李蒼石見寄

釣翁臺上釣翁遊，人去臺空有舊洲。  
此地偶然逢一笑，當時聊爾寫千愁。  
別來消息無黃耳，老去離懷白頭。  
忽見新詩如見面，今秋差勝八年秋。

附原韻

二水煙花憶舊遊，至今魂夢繞汀洲。  
久無鴈足傳

書信剩有猿聲惹客愁漫喜新詩稱國手常嗟窮  
鬼壓人頭干戈不復重逢日東洛風光又一秋

奉餞舍伯歸鄉

病裏鄉心入杳然朔風山路望中綿西峯樹老當冬  
雪東海雲淡正暮天鶴髮堂前歸夢急鶴鶴原上友  
情全欲攀征袂還難得只願魚鴻別後連

奉贈尹正平

扶搖曾上五雲衢焦瘁今行楚澤隅萬里星河雙闕  
迥三年涕淚一身孤崩沙斷岸迷魚穴落日長天闊  
腸途夢裏舊遊誰與說強爲村語對村夫



唐詩卷之五

踏青和茂甫韻

長汀淡蕩春三月當代風流李萬回十分清罇須悵  
飲一年今日不重來飢盤鯽膾絲絲細向我山花樹  
樹開席地衾天殊不惡醉中聊復盡餘杯

又

一歲清明惟一度敢辭攜手踏青回花連水水山山  
發人並三三五五來紅杏村中詞客倒絲楊陰裏酒  
罇開此間吾亦有新作不怕李倫金谷杯茂甫在醉香村曠  
而不來作詩寄之遂有此四句

自縣齋行到甌難大風翻江且無篙師未得放

船遂取路岸上沿江而下渡東安津乘夜還家  
是日銓郎朴宗冒還京歷宿君顯家云

江沙漠漠大風揚檣上危帆未可張天入亂波還不  
定山如逐鹿更成狂遠林西日鴉飛急芳草東郊客  
興長晚渡下流歸半畝野塘明月政蒼蒼

病中書懷寄進士宗君巨卿擘

流光飄忽劇徂川夢裏同經五十年食爲養生雖暫  
節病於臨老未常纏家貧藥物元無計身賤親鄰亦  
不憐盡日閉門誰剝啄臥聽秋雨落池蓮

李新之赴李孟堅三省庵遊賞之約余於此時



亦向永州遂與之同行至美代村前將分路馬  
上口呼寄孟堅

偶隨閒伴出幽扉芳樹溪橋試袷衣新綠正嬌初夏  
色殘紅猶逗暮春輝人分野店疎砧晚馬渡汀沙夕  
照微三省古菴遙入望不堪回首恨依依

小有亭次朴方伯慶新韻

江上風流好事家一時賢俊共相過數村桑柘夕陽  
盡兩岸蒹葭秋意多逝水西通今汶泗亂山東際古  
徐羅就中容我題新句揀得明珠不去沙

新卜莒東野將移居還已遂吟此寓懷

朝廷無策可平戎坐使邊烽照漢宮初恠天兵敗河  
上豈知胡馬踏遼東方當殉國忘家日媿你求田問  
舍翁歎息歸來臥茅屋匣中空有劒雌雄

元日老懷

已把窮愁許鬢知逢春况耐歲星移腰肢漸懶興居  
處筋力空患少壯時隙過白駒應不柰健如黃犢夏  
無期細推物理須寬抱一笑高吟喜老詩

樂天有  
喜老詩

冬至後七日金從兄大澤李從兄心慙李判官  
潤兩李秀才文雨李評事濯李生員時幹金秀  
才棗棠梨李秀才道昌道融道長及余十三人



將勘禮說于鹿峯余以精舍之任當稟勘校之  
規兼還書籍遂趨泗濱途中有此詩

今日泗濱辭丈席明朝精舍萃金蘭老夫壯者並童  
子評事生員與判官勘定五先生禮說兼全三益友  
交顏百年那得長如許頗覺人間此會難

四月二十日遊桐華寺是日昏示諸益

蓬萊左股此逶迤松桂濃陰夾路垂幽賞仙區真風  
願共遊佳節是前期諸生瓶貯半秋露古寺山光初  
夏時萬象森羅皆可掇老夫還有錦囊資

追記前夕之歡仍念後日之虞感而賦之寄

伯

穀日晚子行兄嚮酒賞梅于茂伯家仍邀計族及朴元仲講歡終日夜深而罷此乃十一

日係也時凶奴陷遼東連我義州龍川宣川鐵山等郡

百年光景又新正一笑相迎話弟兄  
竹葉於人真有分梅花向我亦多情  
玉蟲亂綴釵頭色海鶴長呼月下聲  
那得此生長此日民今痠病更聞兵

### 劬勞村卽事

編茅爲屋竹爲門手鋤荒田開小園  
高下林巒專一聲兩三僮僕又孤村  
山名道德追師意店號劬勞戀母恩  
回首雲庵猶未遠可能隨意省丘原

諸宗族來會小亭茂甫有詩書癖且有先歸之



意次韻以贈之

來遲端復去須遲對酒醒歸最不宜幸我不曾流異  
地與君同此遇明時堦花入夏紅棲葉山木經春綠  
滿枝共樂太平今日意祇應乘興醉題詩

翌日曉醉起復用前韻寄茂甫

雨餘風軟落花遲池上微涼吹面宜門掩小亭人去  
後夢圓孤店月明時疊青新展龜巢葉浮翠低垂鶴  
踏枝安得夏逢梅隱老盡驅清景入清詩

六月晦在鹿峯次許若虛回文韻贈茂伯之京  
征雨怨鴈叶酸聲永夜愁秋幾夢驚明燭小窗書帳

散晚林崖聲澗泉晴城連驛路歸東洛嶺隔天雲望  
北京榮悴由來分貴賤名低我笑我平生

挽盧牧使弘仲景任

早抽金馬玉堂身萊服重斑洛水濱先見空爲元老  
歎懶朝從受小兒嗔取蟾五日還無用刻狙三年只  
自珍可惜平生經濟志一場殘夢落花春

解命吟

算卻生平隙駒適寧招鬼笑苦銜羞寬曾但可隨天  
數役智胡爲費人謀彭祖永年知未慮石崇雄富豈  
緣求自然至者真吾命不必勞勞聲百憂



次三龜亭板上韻

此亭營構肇何時遠想閒人解翫嬉占勝正當山一  
鶴假靈傍列洛三龜樹擎翠蓋銜濃蔭溪奏玄琴下  
亂漪幾許登臨挑逸興仙風千古颯然吹

次地主朴大瓠次三龜亭韻

謝宰春遊喜及時間多游刃本非嬉藏身更豈紛華  
吏化石龜嫌覺冰龜勝趣自多窮勝狀澄心孰與澄  
澄漪名亭此日逢詩伯筆下長風向我吹

又次朴大瓠遊西寺韻

城西梵殿易躋攀臥閣清治一任閒几席正臨南

水杯罇好對北來山詩情軼蕩風雲外豪氣衝凌宇  
宙間康樂後身今再見寧同俗吏抗塵顏

又次朴大瓠次襄陽壁上韻

郡舍依微老樹陰歸休過客古斯今寒聲東走川橫  
帶涼氣西來柳擁林眼豁危樓神易暢身閒幽闥睡  
還潑名軒勝事知多少幾和前詩費浪吟

又次朴大瓠次臨河壁上吾宗秀才瑛韻

山影參差落曠庭川聲嗚咽透重櫺詩畱古壁塵全  
暗人臥窮閭雪亂零梅閣閒情思一見藜床孤夢報  
初醒居然被卻荊州識從此柴扉不欲扃



又

皂蓋遙臨小縣庭  
陰風吹雪打疎櫺  
樓頭殘照光全冷  
牆角脩松葉半零  
白屋黃堂休禮數  
銀章韋帶共酣醒  
多年鍛翮逢風勢  
會見春生野外局

又

宗文詩學早趨庭  
命不身謀老筆櫺  
更欲松篁須晚翠  
寧論蒲柳自先零  
神遊宇宙方飄蕩  
夢入邯鄲未肯醒  
賴有宣城吟嘯宰  
翩翩華蓋扣幽局

觀漲吟

長河千里漲黃流  
曠蕩堪疑大地浮  
樹入驚濤愁沒

杪山當怒氣欲摧頭舟藏遠壑難容櫂人失歸津未  
辨洲安得御風窮兩岸悵湍多少我心憂

詠憫旱

年來側耳理陽陰旱魃還驚最虐今正是耕耘當夏  
日如何枯槁似秋林祝天 聖意雖云至埋璧虔誠  
更孰溲明府一祈神必應甘霖早晚慰愁吟

詠喜雨

雲連主屹惹輕陰昔禱旋看雨下今溢喜民謳騰四  
野含滋物意暢羣林誰言穹昊臨吾遠祗在誠心感  
彼溲欲識登山當日事請看明府性情吟



垂釣吟

半世虛名鮎上竿  
邯鄲從此夢長寒  
沙頭健步寧須履  
磯畔孤眠懶整冠  
銅鏡瑤岑吟裏見  
銀刀玉尺掌中看  
滄浪歌罷晴嵐晚  
好趁仙風上石壇

聞蝗作向天訴憫之吟

半年枯槁無蘇意  
一兩方希萬稼秋  
聞道喫禾還有物  
不堪搔首更含愁  
乾坤自是生成主  
蝗旱如何賊害稠  
歲饑民殘天可恠  
當須悔禍息羣憂

次鼓吹部李山甫寓懷韻

十年憔悴入囂塵  
捐棄還多繹苦身  
疎懶但知從宿

樣機關難自學今人耕漁適意愁全卻得喪歸時患  
每勻地上仙翁何處在欲得天放慣修真

辛酉元月望立春聞 天朝將士殲賊之報喜  
而賦之

陽生茆屋景光妍衰病偏多八照天枯艾溪邊抽葉  
嫩幽禽窗外弄聲傳三春正好花如錦十日須教酒  
似泉佳節兼聞清北塞閒居清興此時專

### 江上偶吟

春風失力春光照  
竹晚尋某水頭  
江潑蒲萄綠色  
漲雲驅車蓋彩  
光稠冠童六七  
身邊擁鷗鷺兩  
三巖



際留正是盡工開好興不須長抱世間愁

俟李汝固山水亭來遊之約

江湖如解主人情洗出菱奩十分清天與已看開地  
秘客來應見助詩鳴正當柳渚新秋爽更值松巒宿  
雨晴爲報沙邊雙白鳥好呈幽趣莫須驚

記興

曠野高低抹樹煙爲憑巖畔意悠然秋山入暮無千  
畝霽水成虛有半天放浪人寰何處泊遨遊仙境我  
懷全佳緣十分撥奇勝一日清閒到百年

曉上山水亭

十分幽襟更賞幽水光山色盡中秋輕雲稍稍開高  
嶂初日暉暉湧半流躍馬非心離紫陌邀仙有路望  
丹丘臨風一笑乾坤隘駕羽何時上玉樓

寄直清兄弟讀書山寺

淨水晴巒別後秋思君對景意悠悠歸寺路雲陰  
重夢入書窗月影流榻上何時聽夜雨舍南多日伴  
幽鷗爲分勝賞期余美莫向空山送歲遒

遣意

青山與我長爲伴江水西流太小情一笑臨風心已  
廣孤吟待月趣仍清曉天遠樹依依靜霽浦凝煙冉



舟輕力疾登亭塵事寡卷舒書帙過平明

賞月

收拾清秋十分華好開幽意勝如何孤舟若泛緒山  
雪醉手猶撥采石波遠岫蒼巒看影薄寒沙白水占  
輝多袖裏直藏今夕月三光凋後對姮娥

聞直清兄弟歸期在近喜得看字

虛亭一夜雨聲寒秋動江鄉暑氣殘月鍊明華流玉  
洞風驅爽意繞霞冠雙清正值名區勝兩美胡分此  
地歡聞道歸期將在近湖山應欲使人看

清江

日晏江湖游氣寒登臨十里鏡中天涵亭底曳拂簷  
鳥隔樹倚含浮野煙風靜雨痕畱豔處石寒秋色動  
蒼邊一區清意多關水况此朝晴對嶽然

連筒灌小園

昨夜江湖春漲浪餘波可灌小園中  
斫來舊竹梢雲玉連得長筒飲水虹  
腹吸淨羅千尺遠尾噴輕霧萬  
堆空漸看融雪生寒地抱甕何須羨漢翁

萬里正含情

天教兄弟不相將鴈散驚風各異方  
對月通宵長愴目逢秋隨日幾摧腸  
山河劒戟交遮斷魂夢音書共



春茫萬里含情情萬斛化成清淚溢瀟湘

初秋晦

露促郊原萬寶成  
疇人歌溢喜豐情  
湖山祇有閒遊勝  
風月仍隨特地清  
景滿幽亭還有飽  
秋多佳句可無營  
三旬欲暮重何事  
占取江楓稍稍明

仲秋朔

欲霜秋氣日蕭颯  
八月南天鴻鴈多  
洞澈江流奩盡圻  
嫩紅楓葉臉微酡  
良時無恙湖山眼  
閒地成功硯墨哦  
預報雲師休作惡  
望舒寒影恐婆婆

天長鴻鴈哀

客路厭看鴻鴈來倦飛何事叫風哀關遙沙漠雪霜  
後地闊瀟湘雲水隈繞月摩星意未已愴山愁野首  
頻擡丁寧南北元渠所莫自多情好往哉

藜杖去尋詩

吟筇苦恨句非奇聞道八關去覓詩春到柳林初雨  
葉煙開池水夏風漪一區作府騷人詠三尺成功墨  
客資謝屐莫言尋已盡杖藜隨處有餘詞

詠春回雪濺

衰年偏苦春陰雪詩思還除孟浩豪南嶺曾驚摧挺  
檜東郊夏怕滯抽蒿梅腮色老窗前鵲柳眼光殘江



岸高造物解猜佳節事畸人端合醉松醪

秋蠅

爲報營營逐氣蠅秋天霽後洗炎蒸殘翎且莫依樊  
棘眇質其如畏雪冰白露滋寒圭欲售彤霞收熟賦  
休憎明年慎爾無生育好過西風柰未能

養真衡茅下

紫陌多年失趣真人間風雨正酸辛歸來得意三間  
屋自在灰心十丈塵夜月蝕殘重色象秋江潦盡更  
精神誰知五斗閒官祿不直衡門五柳春

怡老堂晚興

十里平蕪日已沈蒼茫暮色滿雲林秋江長鏡依依  
暗霽壁高屏稍稍陰雨歇輕沙遲去鴈風開茂樹易  
歸禽悠然占得淵明趣更倚枯筇盡意吟

人世信少娛

天地間生非偶爾如何人世反愁吾羈縻壯士龍鷹  
苦形役閒情驛駒瘡底處崎嶇真一夢此身歸老是  
良圖佳山好水雲霞外欲做殘年物表娛

始覺新年上鬢端

素髮蒼顏老一官新年添得鏡中殘曾中謾抱潘郎  
恨天下徒增賈子歎壯志蹉跎悲短劍華顛蕭瑟媿



高冠如令盡白三千丈來歲從何上鬢端

壺峯先生文集卷之一

壺峯先生文集卷之二

詩

山水亭歌

幾躊躇幾疊疊遠自海上來磨圭削玉臨長江江水  
騰濟過其下洋洋乎潏潏乎爲淵爲瀧長風有時如  
力爭波濤巖壁相捲撞有山有水何最勝君不見積  
雨霽後奇形怪形使人目眩神懣七百里湖如海千  
萬尺山吐滂景賞爭傳是仙區幾年天慳地秘一夕  
輸來書函函前有路隔朝市寧聞車馬客之聲但見  
柳渚沙汀煙樹裏翩翩白鷗飛來雙浮雲富貴裾不



曳我非三公與元戎何用彼几易旌幢潑懷明月嫌  
自沽非不知伊尹與商家太公經周邦天乎以我樂  
山水又何必學比干龍逢笑矣乎說客力士售智勇  
到白猶圖相印佩期鼎鼐扛何如濯纓清江流興來  
山房傾酒缸臨風時揖凌虛子白雲不隔劉雞籠出  
寥廓遊鴻臚曾襟無俗物在世小喧唳清飈白月作  
故人陶陶浩浩歌數腔君莫問我爲誰潯陽陶令鹿  
門龐

寒岡鄭先生挽

夫子之生與道俱千年理窟踵程朱逾冠優采名山

王指陶

異日曾換巨海珠寶南

也是誠明元自了矧

茲師友且交須十分霽月涵秋水百鍊精金出鑪  
未喫力時超百氏到收功處集羣儒味檀味齋詩書  
腹參天參地仁義軀林下幾年談孔孟王前一夕

謹唐虞再登金府朝儀肅三入銀臺聖眷紆觀否

泰機知進退卷經綸手臥江湖發揮帝舜傳心法沿

草周公制服圖十九代書標紀曆五先生禮輯鎔銖

臥龍志裏神交遠太極屏中妙契孚愛翫泥蓮今茂

叔朗吟天月舊堯夫平生事業惟經訓盛世論章摠

廟謨指示迷塗高堦子提撕來學大規模新安再得



賢師休沐泗重開聖路無猥以散材承顧眎晚將非  
脚忝樞趨高年自歎用翰累大度猶憐子夏癯豈意  
元朝拜園丈終天別酒是屠蘇斯文宗嫡誰重嗣吾  
道從今已矣乎

挽李顯卿

呂國

系聯我外家居同我一縣所以就傳年猥識李邕面  
非才侍翰墨幾度隨尊或追陪十餘載情誼最縉綬  
且與賢胤子晚節頗相善結契未多年兵塵迷禹甸  
因成星雨散異地俱飄轉幽明倏已隔一別不復見  
長懷徐孺志且孤生弱爲誰知平生心不以生死變

有時逢孝孫相對顏空靦今聞靈襯回意切相迎餞  
人生足魔障數日患風眩徒增傷感懷又闕一杯奠  
含哀寄空詩悵望淚如霰

挽鄭參奉潤派

頽然吾契長貌古心亦古以三韓望族食力居下戶  
才雖無可稱行且無可惡享年何不長六十二加五  
揮涕挽公車苦口荒山路

遊仙辭

秋夜候蟲聲一夢非人間蕭然宇宙外羽駕遊三山  
采采金光草身老浮雲間如何躍馬兒白首醉塵寰



秋興

秋氣日蕭蕭，素水揚寒流。蜩蟬未解事，長鳴欲無休。  
青天有夜月，光輝知幾秋。常懸倘不凋，吾欲與爾遊。

秋水

雨尔不成霖，江明仍自秋。十里開長鏡，鏡裏銀河流。  
河邊亭有影，幻作蓮葉舟。日月行其下，直在天上遊。  
病中戲成古風一首寄示茂伯

昔爲問病人，今爲臥病客。誰意一失馭，三旬長委席。  
藥物無價散，盤飧折尾麥。老妻笑相語，無恙在舊厄。

李杜

波寒夜郎天明月空千秋猿啼巫峽雨草堂暮溪頭  
文章憎命達二子令我愁爲君問奎星奎星更知不  
欲開文明運須起李杜儔更使騷壇伯揚名上龍樓

卽景

漁火起江心彤霞在半天山色入暮雲蒼影漸辭淵  
羽聲趨林鳥炊香滿閭煙清華浮十丈白露生東阡  
松風忽披拂能作雨蕭然瞻聽竟未了餘勝夢可全  
秋夜不寐

抱病門生獨夜人斷聲乾坤男子意細聽候蟲鳴  
風葉過雨打螢郊飛火明古書心暗結茂草露潛橫



遠灘從入耳有夢成未成

南厓秋色

羣仙宴南嶽罇中酒如河偏醒笑性靈青鳥邀我過  
是時秋正早白露空山多痛飲期盡醉朝來顏欲酡  
秋山已解飲我獨不飲何

金萬丈冠禮後地主有詩邀余和之遂步韻以

呈

昔願簪冠弁今忠在襁褓三加禮纔畢相視迭嗟悼  
當其失乳時豈意有今年所以父子情此日尤可憐  
新詩十六句字字能感人因之以勗君學問須勤辛

事君貴盡已事親貴養志大丈夫一身惟此兩般事  
八音歌寄謝茂伯前日見訪之勤且寓此時正  
襟相待之意云

金馬玉堂客不與寒士友石交惟有君衝泥來半畝  
絲絲細雨中一笑雙白窠竹林當時遊亦能如此否  
瓠羹不足珍碧甯猶可口土饒菜本肥盤飣非無有  
草帶解還結塵巾更抖擻木床可延客相期重握手  
贈別許若虛之雒城任

昔我未見君但願一識之豈料識君後有此天涯離  
我始未相識君去我何悲以我識君故君去我淚垂



相別在今日相見又何時不堪苦惻惻還恨始相知  
病中書感奉寄梅村兄兼呈李新之

完顏遺種久雲擾鐵騎年年寇燕趙藩邦難切報主  
忱勺水無奈方揚燎疲兵沒入勢莫支倚柳將軍飲  
恨歿元戎不死累聖德誰信誠忠如日暎遂令紛然  
疑阻心起於一時之羣小神明天子新嗣統萬曆  
緒業終應紹雙星銜出紫泥書飛下丹霄度華表關  
西四十二州路冠蓋翩翩連僎侶玉城禮接未半月  
玉節還向龍江眇仙槎幾日到銀灣後鬼前城路縹  
渺先朝虎臣尚善飯奉使西歸護浩漕臂弓腰箭

莊嚴錄十萬賊衆行當剿況今 朝廷尚清儉庶無  
肥馬途無殍仁風所動吏皆化賦歛漸薄田租少閭  
閻誰復有覺頌國有靈臺與靈沼天時人事本相仍  
耳聞眼見皆佳兆聖代人宜有生樂何事軍民恨未  
天孤村老翁世所棄半畝相伴唯魚鳥朝市山林不  
相關得失悲歡兩惆悵胸中空抱杞國憂未免尋常  
心悄悄人間無處可寄懷疾步登高騁遐眺蓬萊方  
丈碧海外弱水三千隔淼淼潑杯強飲無事酒醒後  
萬慮還皎皎妻孥未識老漢意但苦食貧如食蓼書  
生古來例寒飢一碗稀粥寧辭夢虛名幸此免荷足



白髮青山了昏曉  
簷前種菊間疎梅  
窗外栽松連密篠  
春花如海穩臥看  
夏木成帷閒步遶  
惟是行年已  
衰暮  
一身百病常纏繞  
休心一法久廢詩  
吟興忽被  
紅蕖  
颺  
遙想金成洞裏亭  
亦也池風花影掉  
幽香日  
日惱主人鼻觀默  
參應自了吾黨李  
公字新之氣岸  
自與秋天香  
一枝筇杖閒過從  
好向花前醉清醪  
嗟  
余一別動經時  
忽忽光陰夏之杪  
相息迨遭隔雲峯  
臥床仰羨孤鴻矯  
何當相就賞船藕  
一笑更對真仙  
標

茂伯盆梅用東坡韻

梅乃金成洞姊翁享物也  
余往見之愛而不敢求歸

臥池亭徒有相思之意矣今  
爲茂伯所有故作此以示之

昔年同遊莒南村玉僊曾惱詩人魂儼如漢女不可  
求歸臥半畝空懷昏今年誰遣傾城姝挑以綠綺歸  
文園輕衫半露白玉膚外冷猶應中粹溫晴窗疎影  
夜還明夢驚相訝東方暎索笑何須費巡簷坐臥相  
看長掩門嗟余白頭才已盡欲語妙意誠難言直待  
參橫月落時與爾共醉松林罇

次杜子美百憂集行

棘門灞上眞嬰孩塞外旌旗向洛來開元天下太平  
罷羌笛爭吹阿鞬迴誰起釣翁年八十海內蒼生荷



擔立天涯老臣願清寧周澤難看鴻鴈集祗恐流光  
疾過空我生未趁車書同夏祈皇天憐瑣尾遣罷長  
吟車不東

揀牟去麥吟

揀牟牟未滿一掬去麥麥還爲一束揀之真是麥中  
牟去之豈云牟中麥初來種牟不種麥誰料牟田麥  
還休我覺去年種田時麥雜牟中同播厥天意包容  
資萬物牟麥齊生共春色今年把鋤皆小童不分彼  
此渾培植彼盛此衰理之常所以來牟成未得嗟哉  
是誰之過歟先世農奴盡放役家無一力可問耕直

恐明年踵前迹

天啓元年春三月初七日自鹿峯還樓頽臥蒲  
團牛膝初醒忽村童袖傳孫季進在汶州相邀  
之書驚喜促駕馳到梅南季進與茂伯新之已  
向小有亭矣遂追往琴灘則李士厚蔡明甫呂  
敬伯郭汝叔郭興伯李子靜蔡汝幹徐敬哉亦  
皆來會主人盛備酒饌以娛賓一堂皆親知也  
喜心翻倒未暇通名徑自排戶而入賓主歡迎  
攜手上堂江山花木盡是詩酒之興以桃紅復  
含宿雨柳綠更帶朝煙爲韻分得兩字三十三



句

一慵縛兩腳閉戶了昏暮晚偶乘興暫試尋山屨  
歸來臥孤村寂寞誰與晤忽驚廣文老先生汶上相  
邀寄尺素木枕蒲團午睡餘大嶺促鞭羸驂度梅南  
村裏不見君追君直過琴灘渡清虛三十六洞天小  
亭高會皆親故心翻意倒足自趨未暇通名徑排戶  
羣賢政懷楚然音滿堂黃色各看字一笑相攜倚天  
窗披霧清談交玉塵汀洲芳草節已闌簾外落花紛  
紅兩坐撒風光供几席江山與我誰賓主青春佳興  
跌宕錦囊清債良優裕遂取唐詩二六字分與十



二人題句翰林指茂伯仙筆驅造化影可捉兮風可捕

評事指新之文章苦捷敏道語亦是驚韓愈馬陵道中

白書手指李進又入騷壇發萬弩隴西公子指士厚動驚

俗擲地金聲矜獨步能詩長吉指子靜將進酒玉脂亂

泣烹龍釜麻姑搔背舊仙侶指吉仲釘盤好擘金麟脯

小難指明甫詩不數蘇州工篆餘風傳父祖夢吟四句

字子華指汝幹恨不移家酒中住袖裏青蛇何許客指敬

伯浪吟飛過春江浦汾陽耳孫指沙叔與伯兩俊髦健筆

直欲凌鸚鵡南州高士指敬哉最年少一時詩體稱徐

庾嗟余伎窮如老伶短袖安能隨善舞旁觀非欲擬



巧匠外重惟應內已懼幸忝諸公文字飲免使退之  
嘲蚊聚開懷曠達共觴詠觸目絕勝難名數只恨腰  
笏無易于俗塵曾免青松樹且可高吟置此事眼前  
一醉良先務今朝得意不盡歡明日相思無奈苦爲  
君聊復一伸之白沙翠竹江村路

放魚歌寄誠伯兼示諸姪并序

余之疎懶老且甚矣有塘而不種魚村夫之  
灌畦於塘之南者疏渠而引溪逶迤而過于  
塘溪魚之從流下者因入於塘而生畜焉故  
塘之中只有一牡鯉餘皆杜甫所謂白小鱖

人所謂麤條也余憐其細微而需水族施食以養之中有蠹魚數頭食魚爲糧生子生孫近數年以來蠹日盛而魚日少余恐塘之空而竟未免爲蠹之地也余嘗以此而憂之人有慰余之憂者曰魚亦人所食也蠹亦人所食也人之食之無此無彼不若養其所盛者之爲愈吁余之所以憂之者豈以魚可食而蠹不可食哉惡蠹之食同類而日盛憫魚之爲同類之所食而日少又之不可釣之不能有除蠹之志而無除蠹之術余安得以不憂



歟吾聞誠伯新得大網要而網之期將捕蠹  
而聶鱸之以使余意焉蠹巧於避網而魚反  
罹之余不忍取而旋放傍觀者皆嘲我不食  
嗚呼彼豈能知我者哉始余之要網而網之  
者非爲捕魚本欲爲魚除魚之害也本欲爲  
魚除魚之害而反殺魚以鱸之則是失爲魚  
除害之本心而轉鱸蠹之心於魚耳其亦不  
幾於救齊而滅齊者乎遂因以作歌用以自  
解云

有客有客居西枝山下有亭亭有池池非六畝以成

若魚非二月所納之半畝遙通山澗水自小自與流  
相隨洋洋池面盡游鯢一寸纔分鱗與鬐春來春去  
漸看長細浪搖肉吹日時憐渠本非蛟龍匹斷無雲  
雨飛騰思長年共作池中物中夜相對無相離其中  
有蠢姑誰投魚鬣鱗首仍蛇皮同遊一池飲一水反  
以魚作肥身資爲魚之害甚於獺滿池魚族將無遺  
一鯉雖在終奈何嗟爾龍種其孤危我欲爲之去此  
暴念在胃中愁在脰又之不可釣不能恨不學漁爲  
漁師聞君新得大魚罾可以橫截長江涯邀君仍請  
諸少年抱網歸來來不遲大張池中罾以採始從日



出至日移蠡之爲物異諸魚性善伏藏便淤泥泥濘  
藻亂不知處所捕而得惟魚兒噉噉澆澆不須言鱗  
鬣損傷皆離披魚兒復魚兒始因相愛還相欺衰翁  
縱饒那忍鱸網出旋卽投連漪傍觀舉有染指心孟  
簡盧全今復誰人皆嘲我老而癡妻孥爲我興嗟咨  
仰天大笑臨潑池短歌遙和蘇仙詞

蘇有放  
魚歌

### 拾穗歎

朝攜一筐來暮攜一筐去終日汗流背所得只如許  
所得如許且療飢穗盡他時誰救汝官倉有粟莊珠  
璣但肥倉中盜倉鼠

自警

六甲自輪回庚申應自來但恐今年人難見後庚申  
惟當及此時黽勉常自持雖無令名垂千春不將羞  
辱貽吾親

我不願辭

我不願衣弊緼不衣弊緼兮無狐貉我不願食糠糜  
不食糠糜兮無梁肉我知爲富兮免此食食苦我爲  
不仁兮何顏見我師又焉能改行以自暴兮坐受親  
故相傾欺不如固吾志衣弊緼兮食糠糜

王連環體

此譏光海爲君與虜私好不助毛都  
督文龍歎新王夏化欲爲天朝



報仇凶奴不  
敢入塞也

氛非不足酬元聖

妖勤朝義勇軍奈

肆辛中灣城騎無

敢久是龍外幾心

末里雲如陣年助

戎千矛伐戰惠使

出主真生天夕君

次金鶴湖韻送洪無住鎬入處北縣別業

支野鹿兮巢枯枝公之往兮不少遲游神物表兮絕

迹世兒此一去兮誰能知太自嵯峨兮山逕幽送君  
行兮怕久畱飛高走遠兮未足相依贈一言兮盍早  
來歸

祭文

祭寒岡鄭先生文

子朱子之歿在庚申春我先生之歿又庚申春何天  
之奪我萬世斯文之宗而使後死無所依歸者必於  
庚申之春歟已矣斯文前庚後庚

序

遊輞川序

與地主金柏巖功權  
紀權行可金渠同遊



古之人有分州縣之寄而愛山水之勝者豈其偷閒  
自適而已哉蓋雍容經幄激昂明廷躋一世於熙皞  
之俗納萬民於華胥之域者是其所樂而時乎不遇  
道與仇謀困驥驥之步武棲鸞鳳於枳棘昔者經國  
之手今焉催科之資素懷未展幽抱難遣則公餘暇  
日宣暢堙鬱蕭然有出塵之想者不過登山臨水瀉  
憂國傷時之懷爾於乎江陵形勝九齡賞其清曠滁  
州林壑永叔喜其深邃千載之下豈無想其人而效  
其遊者乎今年夏余以散官家居一日赴我公之召  
公事也事畢公顧向命之曰爾居奇勝欲賞者素矣



第竢公務少閒茲者瓜期將滿不可畱滯欲與二三  
君子趁作半日清遊所慮流連之際有妨民事爾余  
聞公之命解公之意遂起而謝曰百年慳秘未經題  
品欲得坡仙之遊以著赤壁之勝公命適及宿願可  
賞而且掃雲有禪橫渡有舟不煩公力足謀一遊公  
曰然又起而請曰江風山月足當聲色而鶴舞龍吟  
不煩絲竹二三伶人本非鋤禾之手願備具焉公曰  
諾余於是拜而退蓋五月十有三日也越三日癸未  
公屏五馬雙旌之儀除前呵後擁之卒葛屨麻衣行  
李蕭然所隨笛一琴一鼓一短棹輕槳順流而下一



朝之勝狀千古之陳迹摠入於顧眄間矣湖樓餘址想金額之御筆石門遺舍慕玉立之直士登浴臺而憶征東之將拜先墓而篤追遠之誠垂髻戴白填街盈路各興咨嗟爭賀遊豫公尚謙而自抑焉之蹙額江月送輝流光可溯而行鞭且促田舍止宿越四日甲申以鞍馬代舟楫爲民勞也歷湫灘之圓沙陟丹丘之孤峯卽瑪磬上流也于時山日初紅江雲半收灘聲鬱籟隔林斷續鶴汀鳬渚橫波隱見物像清幽不啻前日之所覩者矣顧而異之意謂仙區在此松杉疎處乍騁遠目則峭壁斲立澄潭拭涸羣巒獻狀



於三面斷林呈態於一邊廣野微茫清沙浩渺其間  
景致之富氣像之多蓋不可以言語具狀疾驅而前  
行到江潯則一葦停帆於柳岸之下卽所謂橫渡舟  
也登船駕風縱其所如擡眸四顧歷想一區舉酒相  
屬扣舷微哦誦陶山之曲而慕前脩之至樂詠東坡  
之賦而懷昔人之清遊飄飄然浩然恍乎若離塵  
脫俗而獨立乎蓬瀛間也鐵笛吹而仙禽舞瑤琴彈  
而潛蛟吟少長同歡卑尊共樂雖廣樂迭奏猶未足  
以諭其融融之意也興闌泊舟於觀魚巖下則一白  
足從石間先導卽掃雲禪也公捫碧蘿踏蒼苔訪草



廬於松雲之下尋釣臺於水石之上顧謂余曰今日  
之遊樂乎江日未斜回棹莫淹客有問於余者曰我  
公之樂至矣我公之去亟矣余應之曰子不見朱晦  
翁曲江樓記乎平居暇日登臨賦詩而其心未嘗一  
日不在於朝廷之上汲汲然猶恐其道之不行也云  
爾則我公之意其不出於此也耶客曰然則曲江之  
遊得晦翁之記而始著其樂中之憂如我公之遊可  
無一言以表之乎余於我公嘗有愛慕之忱不敢以  
不文辭萬曆丙午夏真城李某序

附錄

行狀

公諱燉字光仲號壺峯初與當寧諱同故子孫  
加文以別之初祖諱碩成均進士贈密直使是生  
諱子脩登第仕恭愍朝討紅巾賊有功封松安君  
王氏政亂退居畎畝自真寶移居安東治西之磨  
厓里實有江山之勝子孫世家焉至孫諱禎行善  
山府使贈戶曹參判是公之五代祖也曾祖諱  
壕原從功臣祖諱希清忠順衛考諱元晦號東嶽  
退溪先生族子也從而學焉以大臣薦授敬陵參  
奉不就終老林泉妣咸安李氏無育繼妣礪山宋



氏士人翰龍之女也公生於隆慶戊辰幼而聰

穎聞他兒讀書輒記誦之無一字差錯及受學日

必晨起盥櫛端坐讀書竟日無跛倚欠伸時夜亦

如之自是文詞日進大為儕友所推重遭壬辰亂

雖在竄伏之中猶不廢業坐處輒展讀造次顛沛

無所變移其心矣亂定後辛丑朝家首設明經

科公於是登第釋褐丁未陞典籍戊申遷春曹郎

又遷秋曹是冬拜司諫院正言己酉拜司憲府持

平冬拜司諫院獻納庚戌又拜持平辛亥移禮曹

正郎又拜獻納獨持風裁不少撓屈有知者稱之

曰嶺南望士是時鄭仁弘當路用事一世趨附而  
獨公知其奸偽連章峻斥滿朝失色或有爲公危  
之者竟爲其黨所擠左授寧海府使壬子棄官歸  
鄉自是羣奸日進朝政益亂且有金墉之變公益  
無仕進意作山水亭怡老堂統勝廬日與村秀才  
子勤業孜孜以經史自娛不求聞達惟以答問爲  
閒中之樂有一朝士訪公於松亭要與共仕曰家  
貧親老古人亦有不擇錄而仕者君何一向卷懷  
不念奉檄之喜耶公曰樹稷藝黍猶不廢菽水之  
養何必列鼎然後得其歡心歟且仕有可行可止



則吾無意於斯世也其人知其難奪拂衣而起曰  
士之執守各有所見然仕有時乎爲親爲貧何執  
之太固也遂去不復與言及反正後鋤治羣凶其  
人以鞠獄堂上多遭惡境臨死曰吾悔不用李某  
之言云是時宋氏春秋已高公愛日之誠根於天  
卑躬漁獵供甘旨雖隆寒酷暑必具冠服以養親  
志不少懈池兄弟三人同居一室怡怡湛樂孝友  
之行爲鄉黨所稱許府官亦有褒美之文癸亥  
朝著清明始爲成均直講以親老乞郡宰永川政  
清如水人服其廉在郡一年朝廷以公嘗斥仁

弘有矯矯風節注擬司諫以爲擢用之地而公已  
有疾卒于官人莫不悼惜焉公娶安東權氏軍資  
正復之女內行克備先公八年而沒後合窆于府  
治之南古谷坤坐之原生一男三女男回實文科  
一年中三捷壯元嘗疏片自點前後無餘力父子  
俱以辨奸名何其佳而壯也官至宗簿寺正女適  
士人朴璫安道行具賓國後娶順興安氏護軍國  
老女生四男回慶參奉回春回賓回榮司果孝友  
文行爲士流所推許正五男國茂國蕊國華國滿  
國叢俱有文行朴璫四男章華必華允華而華安



道行二女表聖祖李基遠吳賓國三男二女男厚  
基命基女趙以直金壽遠參奉三男國標國芬國  
蕃司果一男國蘭國芬三男二女男沈泳步女金  
漢楹成虎奕國莖一男瀚國華二男一女男濂淹  
女成道徽國滿一男泓二女郭挺欽李昌夏國叢  
二男宗漢國芬一男維國蕃一男注國蘭二男漳  
滋曾玄以下多不錄嗚乎公以聰敏之才篤實之  
資早受家庭之學親炙寒岡之門登科仕進固宜  
達用展布所蘊而惟其言論正直見忤羣臣晚自  
色舉一任韜晦及睹清明之世年又不永不得與

於彙征之列在公明哲雖無所憾而世之知公者  
未嘗不爲之慨惜也然而當時名流蒼石李公稱  
之以國手大瓠朴公推之以道交則觀於此可知  
公之義槩風節而屢經火燼遺稿散逸至於疏本  
而亦不保收拾於斷爛之餘者只律古長若而篇  
及輞川序而已其模狀江山之勝奇古警拔可見  
隋珠崑玉愈少而愈貴也又何必多乎哉公之曾  
孫泳與余遊一日以家狀來託顧以無能之辭聞  
發潛德其何以傳信於後來乎其請之也勤故辭  
之不得茲敢敘次其經槩以俟日後作者之采擇



焉

崇禎三己丑正月下瀚果毅校尉前行翊衛

司副率昌寧成晚徵謹狀

墓碣銘并序

公諱燉字光仲初與肅廟諱字同後人加文以別之號壺峯我眞季出於高麗進士贈密直諱碩子諱子脩以討紅賊勳封松安君移居花山之磨厓間一世諱禎我世宗朝從崔潤德北征錄功官至府使贈戶參有三子仲日興陽訓鍊參軍諱壕原從功臣諱希清忠順衛諱元晦參奉早遊

再從叔退溪先生門聞爲學大方號東嶽娶咸安  
李氏某女礪山宋氏翰龍女以 隆慶戊辰十一  
月十四日生公宋出也幼聰睿絕倫稍長受業于  
栗園李公珙勵志篤學晚卒業于寒岡鄭先生述  
執徐難負書奔竄有暇輒展讀辛丑釋褐丁未除  
成均典籍戊申遷禮刑曹正郎尋拜司諫院正言  
己酉移司憲府持平冬遷獻納時郇弘假托山林  
虛譽隆洽公上疏斥之以大奸舉朝莫不愕然其  
黨忌嫉之黜外爲寧海府使壬子見羣奸並用卽  
投紱還山時母夫人年老公與兄弟躬採釣供甘



旨築山水亭統勝廬山巾野服徜徉自適鄉有一  
朝士將赴京職過公誘以祿養公正色曰吾薄田  
足以供菽水不願仕也彼乃知公終不可誘拂衣  
而去未幾殺廢之變作知公者咸服其介石之貞  
癸亥朝著一新復爲成均直講乞養得永川政尙  
清簡後一年朝廷始知公有斥弘事將復拜司諫  
以開言路會病卒官享年五十七葬府南後德洞  
坤坐原嗚乎公以精明之資剛直之性擢高科出  
仕路若可以有爲而奈遭時不幸直道難容及夫  
天日重明羣枉畢伸則遽促其年未參於茅彙之

列詩文可傳者又屢經鬱攸並與當日疏本而不  
保可勝惜者哉雖然呂獻可袖中彈文未知其果  
傳於後世而天下莫不服其先見則公卽吾東之  
獻可也以是論公足矣配安東權氏軍資正復女  
有婦德生一男回寶文科宗簿正有文望嘗疏斥  
金自點三女適朴璫安道行吳賓國繼配順興安  
氏護軍國老女生四男回慶參奉回春回賓回榮  
副司果正五男國茂 贈吏參國必護軍國華國  
滿國叢朴五男章華必華時華而華允華女南極  
樞權逢吉安二女李基遠裴聖祖吳三男厚基命



基尚基女趙以直金壽遠參奉三男國標國芬國  
蕃司果一男國蘭曾玄以下不盡錄今來請銘者  
十世曾孫運熙也銘曰

採毛釣鮮養志之誠伏蒲正笏燭奸之明不移不  
屈維德之貞可期不朽百世芳名族後孫晚燹謹  
撰

山水亭上樑文

東塾金養根

前人遺我以堂構幾世徒費經營間者作主於江  
山是日乃見突兀所謂其基不棄可喜有志竟成  
維此輞川洞一區自古真城氏別業名高帶礪卜

宅在松安君策勲之初風清鶴琴宥基屬善山公  
畱愛之後天慳得世居之主曲曲花鳥風煙地靈  
效人傑之生種種文章氣節父參軍子參奉展如  
無忝家聲兄溫溪弟退溪不但有邢門族粵若壺  
峯公之風岸尤見石屏子之淵源間中之詩料自  
然興象壑流巖秀靜裏之物態各獻趣事日湧雲  
開縱浪乎造化昇沉之天浮休乎仙靈窟宅之界  
而亭子名以山水最形勝得其體要峻爲嶺而峯  
爲巒千里天馬之馳驟渟則淵而演則激一帶瑪  
瑙之澄明所樂也江湖微茫煙沙一望尤美者林



壑成削雲壁千尋清斯是歌孺子之濯纓自取卓  
爾有立俗客之蠟屐曷從嗟主人去後幾年顧樓  
臺盪然無地詩存屋廢慙客至或徘徊事鉅力綿  
裔孫居常耿結小磯簑笠何處橫渡之舟半箔雲  
嵐徒聞統勝之室十里平鋪素練謾說清真之有  
名百疊虛張彩屏可惜粧點之無計廼於家禍震  
剝之日克恢基業鼎復之圖古宅之文藻空餘等  
閒景境一區之煙霞有待匪夷經綸成者毀毀者  
成真覺勝事有數地遇人人遇地終見華構復新  
苟美苟完尼父之昭訓豈昧斯歌斯聚張老之善



頌可聽旋念先人弊廬何必令名更擇有術觀水  
溶漾盡裏波光不厭看山縹緲鏡中峯影蓋壁面  
之或蒼或丹或白何其石色怪奇緊沙嘴之載鳴  
載舞載眠一是鷺羣閒暇虛簷共崖鶴而飛兩渺  
渺高情曲檻近汀蘭而泛風藹藹清意惟仁智卽  
有斯樂乃泉石不失我居臨清流而賦詩獻納翁  
之風韻不泯仰高山而想像定乎公之精神如生  
追連代斥邪護正之誠萬折有如此水撫當時掃  
雲釣月之趣三公不換茲山水忍廢而地忍荒後  
承之述事可尚流益清而時益重先生之遺風猶



長孺孺循除之聲萬古昭文琴自在青青排闥之  
色九曲武夷圖何如自是名與實符不徒亭以地  
勝孱顏之錦繡意情悅花姑獻奇淥潭之魚龍  
戲游分明馮夷助興鷗飛稻田之漠漠誰是摩詰  
前身鸞轉花石之濛濛却疑乎泉卽景雖制度未  
巧於舊貫抑體勢不戾於斯千虛室之想絕塵竹  
瑟也松濤也造物之藏無置桂風兮羅月兮山川  
頓然清騷何來欵乃聲裊裊草樹爲之飄灑時聞  
洞簫語依依回思澗而結而之初果孰主是靜觀  
崢然泓然之際欲辨忘言田中之朽桑再皂亦係



數百年奇跡川上之芳草三面倘復表裏砂舊形  
上焉洛臺石亭非無一二名勝下而玉淵屏壁未  
必彼此差殊聊與村秀經生共見虹梁燕賀東清  
涼遠與黃池通滔滔日夜成章意不到東溟不欲  
終西力稽豐郊幾萬畦秋來好取園三百嘉種元  
無一稗羹南石號文章傍獨巖寬氣尚餘椎碎後  
晴虹往往起深潭北玉立鶴峯青似削霧裏豹文  
雲際龍尋常綠花人誰測上夕靄朝嵐真氣像胸  
次會須如許清振衣千丈塵襟盪下且植軒前梧  
數把此世未應鍾子無我洋一曲猶知者伏願上



樑之後臥高元龍百尺景新除亭四時雲水亭臺  
既作得心寓酒之物家庭詩禮盡軫育英成材之  
方非直爲景物之娛聰明几靜庶復見絃誦之盛  
賢傳聖經北望慶流之亭至今敬恭桑梓上游陶  
山之院依舊飛躍鳶魚立峻壁之巉巖其美乃家  
之業屹頽波之砥柱星斗後人之思嚶嚶谷風是  
何鳥也于彼喬木蒼蒼霞露所謂人今在水一方

挽詞

王峯權 暉

同爲科第又同心契托平生誼分淡君選清要懷  
塞謬我從郎署臥丘林二城乞外稱榮養三載臨

民湔頌音從此未聞相警語峨洋誰復把瑤琴

又

族孫爾松

磨崖之山秀且峻朝川之水清而潤昔我鼻祖卜  
其中雲仍接武多英俊吾宗老子最明粹文雅早  
爲恒人準儒關事業徹九臯一夕聲名播遠近

廟堂羣公賀得人經濟才華實忠藎薇垣風彩舌  
不柔狐兔避路看孤隼獻可先見薄鍾山從此要  
津少汲引公心自切反哺誠汲直翻紆東海印中  
間置散幾日月未免窮道魚目哂虬伸蠖屈自有  
時聖主旋天啓熙運國子談經少試可言地顏



綱方再振是時朝論重民隱循吏名中擇先進賢  
人暫屈遠人安明遠樓前五馬迅棲棲郡邑異長  
暇臥閤頽齡迫耳順故山松桂未曾荒遽使親朋  
哭歸櫬公之餘慶益未艾紅紙榮光逮名胤五花  
芳流太僕卿一麾更試名都尹歸來重對舊山川  
霜露之懷暮年緊松楸况復隧域分神理人情俱  
未盡古谷山環洛江水吉地同原非所問一時純  
孝慰泉壤佇見千秋耀紳縉爲緣宗義老彌篤敢  
將荒詞贊不泯

又

南磔

風儀猶在目曾拜德公床已失仁人壽空畱長者  
名占新丘壑美移舊日辰良神物歡迎送端由孝  
子誠

又

南磁

龍門叨拜記當時氣宇堂堂衆所推柏府威棱腸  
似鐵梅軒慈惠口爲碑仁齡未驗天何必卿月無  
情歲幾移美水佳山新占吉白眉誠孝路人知

附山水亭次韻

白麓姜始煥

壺峯李公諱火傍享真城人登明經第值  
光海政亂嘗疏芥仁弘退居安東之輞川



有澄江鐵壁之勝築山水亭以終老作歌  
以見志人有勸之仕者則曰吾有母力耕  
可以爲養不願仕也其清操卓節可與澄  
江鐵壁相當矣歲久亭廢其後孫重構揭  
其歌以存遺蹟余屢過亭下敬次以志感  
壺峯山高復高下有萬丈鐵壁俯長江長江之水  
千里來有時奔騰沒駛爲濤瀧天吳陽侯爭後先  
洪鍾巨槌相擊撞有短棹孤檣出沒乎其間兮恤  
恤乎湫乎泚乎使人懣長江千里到此平如鏡更  
有飛流濺壁鳴琤淙摩詰畫中曾相見今見納言

李公於此拓軒窗先生閉戶味墳典卻笑莊生逃  
空猶喜是白月涼颿時來入我室有客有客清者  
雙先生雅性本骯髒耻向俗流折慢幢况復汨陳  
彘倫敦不慣崎嶇浮沈處亂邦既不願造攻伊尹  
牧野呂又不能爲剖心比干夏臺逢小人有母不  
能遠力耕爲養今何必五鼎扛壺峯山高復高安  
得使長江作酒盈盈長頸缸君不見江陽山水亦  
可隱一出風塵同兔狝我愛江上鷗鷺雍容我愛  
山中民俗醇塵山水中間此一亭遠隔城市之囂  
喧後人肯禱能復聳扁以山水亭歌一腔嗚呼輒



川之名偶同唐中丞若擬以倫五噫之梁遺安麗

又

白下申 曉

薇院歸來意正幽林泉高臥白雲秋鳳凰枝外朝  
陽暖象馬堆前水急流蘇老文章傳兩世輞川山  
水又東丘其人其地果相遇是以南州名一樓

曾遊石室敘懷幽志士悲歌落木秋金馬門前春  
幾度鷓鴣聲裏水東流白頭雲岫歸來賦五世平  
泉花石丘暎碧贈薇人識否江湖煙月二高樓

又

不肖子回榮

一嘯登亭晚興幽客來又值菊花秋四圍山色當

函盡萬折江聲入檻流  
疏斥巨奸辭柏府道交賢  
友臥林丘憑軒徒切羹  
牆慕肯與遊人更上樓

又

曾孫滄

鶴山南畔輞川幽  
杖屨逍遙老秋危  
石千層橫絕頂  
漁舟一葉任中流  
煙霞此地觀遺韻  
霜露多年感古丘  
長使登臨清可賞  
茲亭不是世人樓

又

玄孫舜相

吾祖何年卜此幽  
還鄉觀感又傷秋  
同堂親誼由中出  
傳世君恩自上流  
雨歇南江鷗下渚  
雲生北岳鶴鳴丘  
鹿門安在潯陽遠  
盡日徘徊望玉樓



又

六代孫天範

傷心無處寫懷幽獨上孤亭况值秋喬山不變先  
天氣逝水無窮入海流鴈下平沙明月浦鳥歸芳  
草夕陽上俗子徒知風景好謾將詩句費登樓

又

七代孫孚豹

我家山水卜清幽山水亭成幾度秋千尋拔地崑  
然對一色涵空汪若流涼風曉月開真境老樹芳  
林感古丘願使子孫長守護當年杖屨此登樓

又

七代孫孚顥

大野東頭一境幽孤亭蕭灑立千秋空雷危壁雲

端出不盡長江檻外流十年仕宦歸來地數畝田  
園偃息丘追感遺風懷未禁悄然斜日獨登樓

又

七代孫孚華

三公不換一區幽地秘天慳度幾秋削出重霄雙  
壁立橫拋翠帶大江流孱孫尚爾盤居巷遺躅依  
然賁遜丘鎮日徘徊觀不足要迎明月更登樓

又

八代孫仁源

亭在朝川別業幽雲孫尊仰億千秋風生古壁涼  
虛簷煙歇長洲豁遠流松蘿洞外遮囂市桑梓村  
前有某丘追息往蹟彷徨立客散高堂月滿樓



附諸賢唾珠

遊輞川呈李博士

柏巖金玏

探勝何須七月秋好隨梅雨放輕舟  
飲中偶得詩仙話象外還從福地遊  
幽賞已知千界靜高吟尤覺一生浮  
山靈有意呈新態霽後風煙散不收

又

塵世光陰劇逝川還從赤壁學真仙  
夢驚孤鶴橫江夜興逐蘇翁作賦年  
此日風流推我輩他時行樂屬誰邊  
懸知勝事無人會應待龍眠畫裏傳

奉送李壺峯出宰永川

大瓠朴簍

昔余忝依安東守仍與吾君託道心每說磨崖形  
勝好幾將孤舫水雲尋中年離別悲歡異末路交  
情久益深五馬此行誠寵擢主憂民望子都任

次怡老堂韻

松溪李亨男

小屋臨江闢投簪臥此中好風來水府新月上簾  
櫳綠髮行將白韶顏能幾紅怡然終老地不必換  
三公

識

歲壬子仲春余以譜事往鵲山先社聞壺峯先生  
遺集迨未印頒常恨其屢世不振日其耳孫檀以



平泉元杓之囑來言吾祖遺集將繡梓子其一言  
以識後余惟兩家分派不甚久遠公又於吾先人  
文純夫子子姪而又有師承之分其在體先之道  
不敢以不文辭謹就其所來按本暫閱蓋公當權  
奸當路之日連章峻斥棄官歸鄉扶人紀衛社稷  
之衷至今照耀人耳目然前後揄揚之贊美之者  
祇知名節之有卓然可觀而未嘗言知仁勇三達  
德之一舉而有兼備者噫傾朝推詡獨斥其奸偽  
知也告君防漸俾絕戮倫之患仁也遂謝內外官  
職屏迹一壑逍遙徜徉於釣亭勝廬以終老勇也

苟其當亂而迸竄也不負書行讀能有是乎公以  
東嶽爲父石屏爲子家世有賢旣如彼始嘗學於  
栗園李公晚登寒岡鄭先生之門又聞心學大要  
交遊如柏巖白沙澤堂蒼石諸先輩又皆一代之  
名流也淵源有自道義有契其出處之必中必正  
固其所也況其發之歌咏有曰非不知伊尹興商  
家太公經周邦天乎以我樂山水又曰君莫問我  
爲誰潯陽陶令鹿門龐此槩見公之志卽伊尹太  
公之志而公之迹乃潯陽鹿門也躬漁獵供甘旨  
邑大夫至有褒獎之文有本者固如是夫朝著清



明之日出爲成均直講乞養宰永川廷議以公辨  
奸之明方擬大用遽奪其年假無媒孽而展布其  
所蘊則左海禍邦亦有王佐之才而終止以樂山  
樂水付經濟於釣竿漁艇吁可慨可惜也已昭陽  
重光之天中節族後孫承訓郎前 章陵參奉中  
植謹識

跋

宅鎬嘗從鄉先生獲聞壺峯先生文章德行有足  
以範俗惠後而未及詳猶有秋陽江漢之思矣一  
登山水亭攬得先生藏修之蹟而亭前有峯巖巖

千仞壁立不拔曰壺峯而先生所以表德也於是  
乎高景其氣像風韻之萬一而宅鎬後生也恨未  
得摳衣攝齊於當日函丈之間矣聞先生後孫僉  
章甫搜拾先生咳唾之遺於斷爛之中將繡梓以  
壽於傳宅鎬以平昔慕仰之忱思欲相其役矣日  
猥被敦速謹奉遺集而盥讀詩文序若干篇於先  
生誠泰山一毫芒然其氣格峭拔旨味雋淵凜凜  
然自真積培養中流出來而類非絺章繡句者所  
可企踵也蓋先生少遊栗園寒岡兩翁之門聲稱  
苑然遂捷於明經之特選拂芻整芻逆折奸弘豕



躑躑之漸棄絃膏轄超脫逆瞻數倫之變進而志行道則匪躬蹇蹇霜雪凜烈能令鬼魅破膽而遁形退而遂初服則隨遇安安魚鳥相忘至於僚友之敦迫而莫能奪介石之貞及癸亥之會朝清明以先生辨奸之明恬養之素將欲薄試治蹟而究厥用未及報政而壽又齋焉噫其命矣也夫且平日著述之富不啻盈箱溢篋而世代綿邈累經鬱攸零金碎玉未成完寶然一縑而認全鼎奚多乎哉况又當時有如柏巖白沙蒼石澤堂無住退軒大瓠諸老先生斤堊相須宮商迭奏者班班可考而

有非積中彪外之聳動得人則安能如是之傾向  
推重哉昔范文正序楊文公集而曰觀於所交可  
以知道之正宅鎬於是集也亦云而忘其僭率竊  
附諸感慨者書之卷尾如是云爾後學竹溪安三  
鎬謹跋



壺峯先生文集卷之二

















